

Aruba a participa na e "Caribbean Fashion Event" na San Francisco

ORANJESTAD(AAN)- Durante di e luna di April ultimo Aruba a ser dignamente representa na San Francisco,

California entre e dianan 12 pa 16 di April, 1988, durante e acontecimiento di moda mundialmente reconocí di I.Magnin & Conde Nast's Traveler.

Aruba ariba invitacion di e lugar di moda ariba menciona a participa cu e siguiente personanan, señor Agrepino Geerman y Ricky Geerman, di e caha di orgel "Mi Recuerdo", Mary Hsing, Chris Thielemann, Nico Luidens y Astrid Arends, pa e grupo di baile "Aruba Dancing" y señor Antonio Leo,

relacionista publico di e Direccion di Turismo.

No por keda sin menciona cu



señora Astrid Salazar a percura pa exhibi su vestuario Arubano, reflehando e ambiente di carnaval y e folklore.

Bishitantenan na e "Caribbean Fashion Event" tabat apaisnan manera Australia, Hawaii, Tahiti, Honk Kong, Jamaica, Cayman Islands, US Virgin Islands, Puerto Rico y na tur a contribui cu un premiacion di estadia ariba e respectivo paisnan menciona, cu tickets patronisa pa American Airlines. Ganador di e estadia pa Aruba a keda den persona di M.R. Edmunds.

Señor Antonio Leo, den nomber di gobierno y pueblo Arubano a otorga señor Wessler Weiss, senior vice-president den e division di marketing di e compania ariba menciona un regalo consistiendo di un plaquette, di kwihi, den forma di Aruba cu un holoshi.

E participantenan na e evento aki a keda sumamente emocionan cu e presentacion di Aruba. Hopi atencion a ser dedica ariba e caha di orgel, cual instrumento musical ta cusando sensacionnan grandi den extranheria.

Ademas a goza di e show folclorico presenta pa e grupo "Aruba Dancing".

Direccion di Turismo ta gradici e representantenan di I.Magnin pa nan invitacionnan na Aruba, dunando Aruba di e forma aki un promocion enorme den nan "Caribbean Event", cual tabata e mayor centro di atraccion durante 12 pa 16 di April ultimo pa e clientela exigente den calidad di vestuario femenino na San Francisco, California.